

Na osnovu člana 17. stava 2. Statuta Asocijacije za informacione tehnologije u Bosni i Hercegovini (u daljem tekstu BAIT), Skupština BAIT-a na svojoj sjednici održanoj dana 4. 11. 2008. godine, donijela je

PRAVILNIK O VISINI I NAČINU PLAĆANJA ČLANARINE ASOCIJACIJE ZA INFORMACIONE TEHNOLOGIJE U BOSNI I HERCEGOVINI

Član 1.

Ovim Pravilnikom se definišu kategorije, visina i način plaćanja članarine za članice BAIT-a.

Član 2.

Pri prijemu u članstvo BAIT-a, Društvo plaća učlanjivanje u iznosu od 400 KM bez uračunatog PDV-a .

Član 3.

Godišnja članarina je definisana u četiri kategorije u zavisnosti od veličine Društva – članice u odnosu na njihov godišnji prihod i/ili broja zaposlenih u posljednjoj fiskalnoj godini, na osnovu podataka dostavljenih od nadležnog organa. U obzir se uzima onaj kriterij koji je prije dosegnut.

Prva kategorija članarine iznosi 500 KM bez uračunatog PDV-a godišnje i istu plaćaju Društva koja su ostvarila godišnji prihod do 1.000.000 KM ili članice koje nemaju više od 10 zaposlenih.

Druga kategorija članarine iznosi 1.000 KM bez uračunatog PDV-a godišnje i istu plaćaju Društva koja su ostvarila godišnji prihod preko 1.000.000 do 5.000.000 KM ili članice koje imaju 10-50 zaposlenih.

Treća kategorija članarine iznosi 1.500 KM bez uključenog PDV-a godišnje i istu plaćaju Društva koja su ostvarila godišnji prihod preko 5.000.000 do 10.000.000 KM ili članice koje imaju 50-100 i više zaposlenih.

Četvrta kategorija članarine iznosi 2.000 KM bez uključenog PDV-a godišnje i istu plaćaju Društva koja su ostvarila godišnji prihod preko 10.000.000 KM ili članice koje imaju 100 i više zaposlenih.

Član 4.

Članarina se plaća kvartalno na osnovu ispostavljene fakture. Prvi kvatal se plaća najkasnije u roku 30 dana od dana ispostave fakture.

Za Društva koja stupe u članstvo BAIT-a u toku godine članarina se obračunava adekvatno prema broju ostatka mjeseci u tekućoj godini, računajući od početka narednog mjeseca od dana stupanja u članstvo.

Član 5.

Ovaj Pravilnik stupa na snagu sa danom njegovog donošenja.

Sarajevo, 4. 11. 2008.

Predsjednik Skupštine
Prof.dr Tadej Mateljan